

四庫全書考證

二二

舊



叢書集成

初編



主編 王雲五

商務印書館發行

國家圖書館典藏
由國家圖書館數位化



四庫全書考證



082.47
743
22

四庫全書考證卷五十二

子部

庚子銷夏記

繪事備考

書法正傳

書畫彙考

重修宣和博古圖

宣德彝鼎譜

硯史

續茶經


南方草木狀

百菊集譜

海棠譜

四庫全書考證

卷五十二



117311

007492

蟹略

異魚圖贊

雲林石譜

鬻子

墨子

尹文子

淮南鴻烈解

人物志

顏氏家訓

長短經

昭德新編

習學記言

本語

資暇錄

蘇氏演義



兼明書

猗覺寮雜記

緯略



四庫全書考證

卷五十二

二一六五

庚子銷夏記 吏部左侍郎孫承澤撰

卷一

秦少游論書帖。近惟顏魯公、楊少師特窺其妙。其用筆能左右之。不好處。惟王荊公書有古人氣而不甚端逾。案不好處下。山谷集載此帖有更覺斌媚。求一點一畫俗氣不可得。比來士大夫十九字。清河書畫舫載山谷論書語亦同。擬本山谷文而少游曾書之者。

卷二

郭熙樹色平遠圖。施爲巧贖。位置淵深。刊本深訛源。據圖畫見聞志改。

米元章畫山水小幅。後人做此濃墨塗灑。曰此懔懂雲。無根樹也。案懔懂。畫繼作濛濛。又雲。畫鑒作山。

卷六

顏真卿華岳題名。刊本岳訛石。今改。

卷八

宋本淳化閣帖。大臣進二府。取墨本賜焉。刊本取訛輒。今改。

繪事備考 湖廣按察使王毓賢撰

卷二

魏徐邈歷官侍中司空封都亭侯刊本亭訛鄉據魏志改。
張僧繇漢武射蛟圖一刊本武訛代今改。

卷三

唐殷聞禮字大端刊本聞訛文據書畫譜及歷代名畫記。
靳智翼善寫人物刊本說翼字今增。
廬稜伽案稜書畫譜引益州名畫錄及畫繼俱作楞與此異。
董愕字重照案愕書畫譜作萼與此異。
張誣刊本誣訛湮據書畫譜及歷代名畫記改。
楊炎以事謫崖州司馬刊本馬訛戶據新舊唐書改。
趙溫其案其益州名畫記作奇與此異。

卷四

五代胡翼有秦樓吳宮盤車洗馬迴紋豐稔等圖刊本稔訛穩據圖畫見聞誌改。
姜道隱案姜書畫譜注野人閒話作張與此異。

卷五上

宋李瑋字公照。其先錢唐人。尙仁宗女。刊本脫女字。今增。
楊斐案。斐圖繪寶鑑及宣和畫譜俱作斐。與此異。

范寬字仲立。刊本仲訛中。據書畫譜改。

王誥喜讀書。善屬文。刊本脫書字。據書畫譜增。

卷五中

吳元瑜流英圖二。刊本英訛金。據書畫譜改。

趙光輔。刊本輔訛甫。據圖畫見聞誌改。

趙元亨字彥德。刊本亨訛亭。據圖繪寶鑑改。

郝處江南人。刊本處訛虔。據圖畫見聞誌及圖繪寶鑑改。

卷五下

董贇志學精勤。刊本勤訛勁。據圖畫見聞誌及圖繪寶鑑改。

高大亨字通叟。刊本通叟訛叔通。據書畫譜改。

臺亨元豐中修景靈宮。刊本豐訛符。據宋史改。

宋處邢州人。刊本處訛虔。據畫繼及圖繪寶鑑改。

卷六

陳珩字行用。刊本用訛。可據書畫譜改。

裴叔泳字德游。刊本叔訛寂。據書畫譜改。

豐興祖錢唐人。刊本豐訛曾。據圖繪寶鑑改。

來子章。刊本來訛朱。據圖繪寶鑑改。

鏡湖嬾民。案鏡湖嬾民。圖繪寶鑑作鑑湖惰民。書畫譜引孫鑛紹興志作鑑湖嬾民。並與此異。又名字

未詳。刊本訛作然。不詳其姓氏。六字。據圖繪寶鑑改。

周珏紹興中人。刊本脫中字。據圖繪寶鑑增。

林俊民紹興畫院待詔。刊本紹興畫院待詔訛作紹興人三字。據圖繪寶鑑改。

卷七

元商琦左山參政第五子。刊本五訛七。據元史改。

書法正傳 常熟馮武撰

卷五

綿裹鐵筆。東坡所謂字外出力中藏稜者也。刊本稜下行角字。據東坡集刪。

卷七

唐孫過庭書譜。鍾當抗行。或謂過之。刊本脫鍾字。又古今阻絕。無所質問。刊本絕訛耶。又縱未窺于衆術。斷可極于所治矣。刊本脫斷字。又治訛論。又子敬以下。莫不鼓努爲力。刊本鼓訛效。又輒以引示。刊本示訛分。並據石刻增改。

書畫彙考 刑部左侍郎卞永譽撰

卷一

唐人書評。王羲之書如壯士拔山。壅水絕流。案山書苑精華作劍東坡評楊氏所藏歐蔡書。原本脫氏字。據東坡題跋增。

卷二

王元美藝苑評。若飛鴻戲海。舞鶴遊天。原本鴻訛鳧。據書斷改。

卷四

李西臺古篆并行書風后廟碑。案碑字下。雲煙過眼錄有甚佳駙馬都尉王晉卿舊物也十二字。

卷九

李東陽題林和靖帖。詩應獨步難同調。字豈必工終不俗。原本詩訛誰。今改。劉原父書南華秋水篇。寒暑弗能害。禽獸弗能賊。原本脫寒字。據莊子增。

卷十

蘇文忠公書唐方干詩。軒車在何處。雨雪滿前山。原本車訛居。又閒花未零落。心緒已紛紛。原本花訛夜。又更憐三五夕。仙桂滿輪芳。原本夕訛日。並據全唐詩改。又惠州帖。蘇州定惠院。案惠。東坡題跋作慧。又當爲子持書問之。案持。東坡題跋作將。又紹聖二年。案二。東坡題跋作三。

卷十一

米南宮書天馬賦。飛黃驪馱。原本驪訛腰。又醉草。山翁茗芋葛疆隨。庭下青春鸞雀飛。原本芋訛芋。今並改。

卷十二

秦少游竹詩蹟外錄。進伎而不進道。則不可少游。乃伎道兩進也。浮屠不三宿桑下。東坡蓋三宿矣。去後。仲脩使君當復念我邪。庚辰八月二十七日。合浦清樂軒。案進伎而不進道。東坡題跋作伎進。而道不進。又浮屠不三宿以下。東坡跋秦觀書無此數語。此蓋錯簡。

卷十三

思陵翰墨志。昔人自製草書。原本昔訛者。據書畫舫改。

卷十四

朱子晝寒詩卷。入谷尙輕峻。解裝已銀竹。原本竹訛燭。據原題分韻改。又往生更疊疊。俊語非碌碌。案

往宋詩鈔作後。與此異。

卷十九

曲全叟贈徐耕漁詩卷。揮杯淪松菌。濡毫臨澗流。案書畫舫作燕俎。登松菌。匏尊酌澗流。與此異。
沈周跋王叔明溪南醉歸詩。人嘗見黃鶴山人畫。皆稱再世王維。原本皆訛。或據珊瑚網改。
楊循吉題張外史雜詩卷。貞居真跡。原本真訛踪。據松籌堂集改。

卷二十

元人天冠山題詠卷。人間苦炎熱。仙境已秋風。案境趙孟頫天冠山帖作山。又仙者非有求。坐石視投釣。案視投趙帖作不垂。

卷二十一

元人題朱氏方寸鏡卷。今奉訓大夫浙西等處儒學提舉會稽楊維禎志并書。原本浙訛江。據寓意編改。

卷二十五

祝枝山書東坡記遊卷。如今不是夢。真個是廬山。案下是字。東坡題跋作在。

卷二十七

莫廷韓真行合卷。文錦千重。原本重訛里。今改。

卷三十一

張澹岳畫錄廣遺。范見其畫。以爲無益之事。不必虛勞心思。原本必訛得。據書畫錄廣遺改。
董思白畫旨。古人遠矣。曹弗興。吳道子。近世人耳。猶不復見一筆。况顧陸之徒。其可得見之哉。案曹在顧陸之前。反言近世人誤。

卷三十五

思陵題馬遠畫不禱自安緣壽骨。人間難得是清名。原本是訛自。據郁逢慶書畫題跋記改。

卷三十八

王遜記盧生過海羅漢圖卷。一人左扶拄杖。右擁童子。並三狻猊。案三書畫舫作立。

卷三十九

董其昌跋王右丞江山雪霽圖卷。余用是自喜。夙世謬詞客。前身應畫師。案喜字下。其昌原跋有且右丞自云五字。

卷四十三

顧逋翁江南春圖袖卷。外錄有畫評一篇。亦爲精當也。案亦書畫舫作未。

墨。

海粟老人跋米敷文楚山清曉圖卷。濃蘭塗墨。幻東西。汚我瀟湘山色曉。案濃蘭塗墨。銷夏錄作塗揩濃。董其昌跋米元暉瀟湘奇觀圖卷。海岳菴圖。謹授山甫盧君以達。原本脫達字。據郁逢慶書畫題跋記增。

卷四十四

命問題江雪川長江圖卷。雪落半林黃。鶴鳴衆山靜。案黃。銷夏錄作秋。

卷四十五

姚綬跋彝齋居士水仙蘭石圖。米芾畫史有曰。趙孟堅字子固。案米。趙不同時。此誤。

如蘭題僧茂宗十六羅漢圖卷。曾向靈山承佛記。更爲苦海渡人舟。案記。銷夏錄作說。

卷四十七

胡敦題錢舜舉秋江待渡圖。歸人望茆茨。獨立江之渚。案渚。銷夏錄作渚。

卷四十八

王逢題黃大癡畫。舟室夜寒霞氣赤。石牀春雨土華青。原本室訛至。今改。

卷五十

倪清闕東岡草堂圖。外錄。東岡草堂圖者。倪清闕蚤年筆也。原本蚤訛晚。據書畫舫改。又草亭中人二。

案人字下書畫舫有物有二字。又秋林野興圖并題。九月中。小山攜以索題。適八月望日。經鉏齋。木

犀盛開。案適。書畫舫作憶。

卷五十二

顧易題雲西老人秋林亭子圖。澗邊兩兩提筐子。疑在深林採藥歸。案邊。郁逢慶書畫題跋記作橋。

卷五十四

陸深跋徐幼文獅子林圖。後有少師榮公跋尾。案尾字下。陸儼山集有想見一時之文雅。可補後來之郡乘十四字。

卷五十六

劉完菴山水外錄。品在徐賁之下。其餘有貞字元玉。案賁字下。書畫舫有陳惟允三字。又其字下。書畫舫有丹崖碧嶂圖絕勝七字。

卷五十七

祝允明題唐子畏王公拜相圖卷。敢道托根偏樹拔。例隨芳草逐年芳。案上芳字。書畫舫作荒。

重修宣和博古圖不著撰人名氏

卷三

周舉鼎圖。若杜黃洗而揚鱗。刊本黃訛舉。據檀弓改。

卷七

周冕尊圖。蓋冕習水。而假以况。則閑於禮者也。原本閑訛閒。禮訛詩。今並改。

卷八

虎耳彝。原本耳訛首。據圖說改。

宣德彝鼎譜 明呂震等編

卷一

計開條。白明鑿二百觔。原本二訛三。據卷二裁減清冊改。

卷二

黃蠟條。實該五百四十觔。原本五訛六。據上文及卷一鑄冶黃冊改。

卷三

帝王廟條。潘美。原本美訛義。據明史禮樂志改。

卷四

旗纛廟條。金鼓角砲銃神位四。原本銃訛銃。今改。

西廡條。皇甫謐。原本謐訛謐。據明史禮樂志改。

卷六

從祀功臣條。戈足者噏止戈輯武。原本脫止字。今增。

硯史 宋米芾撰

石坑條。水巖坑在羅紋山西北。刊本巖訛巖。據歙硯說改。

歙硯條。兩卽坑壠皆湮塞。刊本湮訛烟。今改。

帝鴻氏之硯條。石墨相著而黑。刊本脫而黑二字。據太公金匱增。

續茶經 國朝候補主事陸廷燦撰

卷上之一

葉清臣煮茶泉品條。至於桐廬之巖。刊本桐訛續。據羣芳譜改。

卷中

隨見錄條。洋銅茶銚。來自海外。刊本銚訛弔。今改。

卷下之六

陶寶文條。炳其冊中。刊本冊訛縑。據法言改。

南方草木狀 晉稽含撰

卷上

鶴子草蔓生。其花麴塵色。刊本脫子字。據嶺表錄異改。

卷下

楊梅。味如崖蜜。以醒酒。號梅花醉。刊本花訛香。據羣芳譜改。

橄欖。勝含鷄舌香。刊本舌訛骨。據嶺表錄異改。

龍眼。核如木櫨子而不堅。刊本櫨訛椗。佛經云。當貫木櫨子一百八個。今據改。又荔枝過卽龍眼熟。故

謂之荔枝奴。刊本熟訛熱。故訛致。據羣芳譜改。

百菊集譜 宋史鑄撰

卷首

佛頂菊。注亦名佛頭菊。刊本頭訛頂。今改。

卷一

鏡地品類。絨。蘭芷江籬。刊本籬訛籬。據楚辭改。

然則色奚先。曰黃。黃者色之中。刊本脫一黃字。又菊之黃者未必皆勝。而置於前者。重其色也。刊本重

訛正。並據羣芳譜增改。

龍腦菊條。其色類紫鬱金。刊本紫訛染。據羣芳譜改。

吳中品類。早植晚發。君子德也。刊本發訛登。據本草綱目改。

卷二

諸州及禁苑品類。十月白。孩兒白。銀盆。刊本闕盆字。據花史補。

越中品類。黃寒菊條。其香與態度皆可愛。刊本脫度字。據羣芳譜增。

佛頂菊條。又名佛頭菊。注分爲三四小枝各一花。刊本脫一字。據羣芳譜增。

卷三

列僊傳。文賓條。賓教令服菊花。刊本花訛草。據羣芳譜改。

唐馮贄雲僊散錄。劉禹錫正病酒。刊本劉訛齊。今改。

名醫別錄。去來陶陶。除胸中煩熱。刊本脫陶陶二字。據本草綱目增。

卷四

屈原離騷經條。秋花無自落者。當讀如我落其實而取其材之落。刊本材訛華。據左傳改。

陶淵明九日閒居詩序。秋菊盈園。刊本菊訛愛。據陶集改。

卷五

杜甫詩以甘菊名石決條。爲其明目去翳。刊本明訛名。今改。

卷六

集句詩。詩筆酒盃俱有味。注。元絳。刊本絳訛鋒。據宋史改。

廣信邢良。學黃華傳。青女降霜。注。秋三月。青女乃出。以降霜雪。刊本三訛之。據淮南子改。

魏鍾會菊華賦。於是季秋九月。刊本秋訛初。據賦彙改。

續集句詩。繞籬疎菊又花開。刊本花開二字互倒。今改。

海棠譜 宋陳思撰

卷上

少游在黃州條。有老書生家海棠叢間。刊本叢間訛下門。又社甕釀成微笑。刊本甕訛九。釀訛大。並據

冷齋夜話改。

前輩作花詩條。山谷作醅醑詩。刊本叢醑訛西人。據山谷集改。

卷下

趙次公和東坡海棠詩。露氣熹微帶晚光。刊本闕氣字。據說郛補。

蟹略 宋高似孫撰

卷一

廣雅條其雌曰博帶。原本博訛博。據廣雅改。

卷二

張志和漁父歌。淞江蟹舍主人歡。原本主人歡訛蘆花邊。據全唐詩改。
晉解系條注。蹶泥則滅足沒附。還軒蟹與科斗。莫吾能若也。原本蹶訛股。軒蟹訛肺蛭。並據莊子改。

異魚圖贊 明楊慎原本 大學士胡世安箋

卷二

比目魚兩片得並。合體相生。刊本片訛岸。據山海經改。

卷四

石蝸不中鼎俎。箋如石者。蚌江也。不可食。刊本蚌訛蚌。據上下文改。

雲林石譜 宋杜綰撰

原序

嵇康之好鍛。原本嵇康訛阮籍。據晉書改。

卷中

肅慎氏石矢條。梁州貢鑠鐵銀鏤碧磬。原本貢訛青。又脫鐵字。並據禹貢改增。又春秋時。隼集于陳庭。原本隼訛準。據國語改。

鬻子 周鬻熊撰 唐逢行珪注

撰吏五帝三王傳政乙篇。昔者帝顓頊年十五而佐黃帝。註母曰附寶。見大電光繞北斗樞星照野。感而孕。二十四月生。刊本寶訛實。四訛五。並據史記注改。

墨子 宋墨翟撰

卷一

所染篇。宋康染于唐鞅。佻不禮。案佻不禮。呂氏春秋作田不禪。又行理生于染當。刊本生訛性。據呂氏

春秋改。

卷二

尚賢篇。三后成功。維般於民。刊本般訛假。據尚書改。

卷三

尙同篇。夫天下何說而不治哉。刊本下訛子。據上文改。

卷四

兼愛篇。疾病不待養。刊本病訛疾。今改。

卷七

天志篇。別相惡相交賊。刊本賊訛賤。據下文改。又大夫以爲僕圉胥靡。刊本圉訛園。今改。

卷八

明鬼篇。使天下之衆皆疑惑乎鬼神有無之別。刊本無訛然。據上下文改。又周宣王合諸侯而田于圃。

田。刊本上田字訛用。據國語注改。

卷九

非儒篇。而羿仔奚仲巧垂皆小人邪。刊本垂訛畢。據上文改。

卷十三

公輸篇。今有人於此。舍其文軒。鄰有弊屨而欲竊之。舍其錦繡。鄰有短褐而欲竊之。刊本脫鄰有至錦繡十二字。又荆之地方五千里。宋方五百里。此猶文軒之與弊屨也。刊本脫宋方五百里句。並據戰國策增。

卷十五

號令篇。部吏亟令人謁之大將。刊本部吏二字互倒。據上下文改。

尹文子 周尹文撰

大道上篇。名稱者。別彼此而檢虛實者也。刊本別訛何。又智勇者不陵。刊本勇訛愚。並據別本改。下篇。凡此八者。五帝三王治世之術也。刊本八訛五術訛衛。又宋子猶惑質於田子。刊本質訛只。並據別本改。

淮南鴻烈解 漢劉安撰

卷一

原道訓。因江海以爲之罟。刊本脫之字。據別本增。又所謂無不爲者。刊本脫無字。據上文增。又遠淪于無崖。刊本淪訛淪。據漢魏叢書本改。又任天地取與。刊本任訛與。據別本改。又耳目非去之也。刊本脫非字。據漢魏叢書本增。

卷二

俶真訓。所授者無受也。刊本授受二字互倒。又枝解葉貫。刊本貫訛貴。並據別本改。

卷三

天文訓八百二十日而夕出西方案漢書天文志晉灼注作入四十日與此異。

卷四

陞刑訓註在河東垣縣東北泚水所出刊本垣訛恒又脫泚水二字又扶風美陽西北刊本美訛漢又脫西字又孟諸在今梁國睢陽東北澤刊本國訛園又在南陽平氏刊本訛作南平陽也又西王母石刊本脫母字又洛出荆山刊本洛訛睢又東南至江夏入江刊本江夏訛離州又安定涇陽縣刊本涇陽訛臨涇又在汝南定陵刊本脫汝字並據漢書地理志增改。

卷五

時則訓註裂牲謂之磔刊本牲訛推據漢魏叢書本改又羸蟲鱗謂之長刊本脫羸字又黑與青爲黻刊本黑與青訛青與赤並據呂氏春秋高誘註改又白馬黑鬣曰駱刊本鬣訛毛據爾雅改又以犬嘗麻刊本脫嘗字據月令及呂氏春秋增又免憂患休罰刑刊本脫憂患休罰四字據漢魏叢書本增

卷六

覽冥訓註言鳳凰過都廣之野刊本都廣二字互倒據正文及漢魏叢書本改又晉大夫郵無恤字良也刊本郵訛御下句同據左傳改又燕姓姬刊本姬訛姚據史記燕世家改

卷八

本經訓註封豨大豕也。刊本豨訛豕。據本書正文改。又鍛錫文鏡。刊本鏡訛鏡。據漢魏叢書本改。

卷九

王術訓註飾遂延也。刊本遂延訛遂筵。據玉藻改。又采椽不斲。刊本斲訛斷。據韓非子及史記改。又

越結蒲爲席也。刊本越訛緣。據禮記鄭注改。又法者天下之度量。刊本度訛廣。據漢魏叢書本改。

卷十

繆稱訓開道之干善。刊本開訛關。又含德履道。刊本履訛屏。並據漢魏叢書本改。

卷十二

道應訓註古者縣門下從上杓引之者難也。刊本杓訛古。又見得魚釋之。刊本得訛夜。又則形見于

外。刊本形訛刑。並據漢魏叢書本改。又廉而不劌。刊本衍一而字。據禮記刪。

卷十三

汜論訓註代郡廣昌東五阮門是也。刊本代訛伐。據漢書改。又春夏舞者所執。刊本夏訛秋。據別本改。

卷十四

詮言訓其本終必調。刊本本終二字互倒。據別本改。

卷十五

兵略訓註錙錙于也。刊本于訛汙。據周禮國語改。又德均則衆者勝寡。刊本脫寡字。又勢侔則有數

者禽無數。刊本勢訛者，並據別本增改。

卷十六

說山訓註。無言者道不言也。刊本無言訛無道。又貫咒甲。刊本咒訛光。並據別本改。

卷十七

說林訓。自見其眦。刊本見訛光。又今有六尺之席。刊本席訛廣。並據別本改。

卷十八

人間訓。靖郭君聞而見之。刊本脫靖字。據別本增。又乃止不城。薛刊本止訛至。據國策改。又牽牛蹊人之田。刊本人訛牛。據左傳改。又一指之所能息也。刊本複衍之字。據別本刪。又仲孫氏、叔孫氏、相與謀曰。刊本叔訛季。又三人謂狐偃、趙衰、胥臣。刊本衰訛襄。臣訛姬。並據左傳改。又逆順在時。刊本時訛君。據別本改。

卷十九

修務訓。鷺馬雖冊。鑿之不能進。刊本冊訛兩。據別本改。

卷二十

秦族訓。涪水不能生魚鼈者。小也。刊本涪訛榮。據漢魏叢書本改。又其爲君亦惠矣。刊本惠訛患。又能明于天人之分。刊本人訛下。並據漢魏叢書本改。

人物志 魏劉邵撰

卷上

體別篇。鹹而不齷。注。公漸切。鹵也。與鹵同。原本漸訛成。切訛百。又鹵訛鹹。並據玉篇改。
材理篇。必也聰能聽。注。作器能銘。原本作訛求。銘訛名。並據毛傳改。又守能待攻。注。吾弟子已待之於
宋。原本待訛學。據墨子改。

卷中

接讖篇。不欲知人之所有。如是者偏也。原本脫知所二字。據漢魏叢書本增。

卷下

七繆篇。廣問而誤己。注。隗囂心存於漢而爲王元所誤。原本元訛免。據後漢書改。

顏氏家訓 隋顏之推撰

卷上

教子篇。當撫嬰稚。識人顏色。知人喜怒。便加教誨。刊本稚訛雅。據何允中叢書本改。
兄弟篇。望深則易怨。地親則易弭。刊本地訛他。今改。

治家篇。鄴下風俗專以婦持門戶。刊本婦訛姑。據朱子小學改。風操篇。喪出之日。門前然火。戶外列灰。刊本列訛烈。今改。

慕賢篇。羊侃坐東掖門。部分經略。一宿而辦。刊本而訛不。今改。

勉學篇。蝸二首。古今字譜。此亦古之虺字。刊本譜訛詣。據何允中叢書本改。名實篇。韓既有學。忍笑爲吾說之。刊本笑訛說。今改。

卷下

涉務篇。皆信僮僕爲之。未嘗目觀。起一墜土。耘一株苗。刊本墜訛撥。據國語改。

書證篇。陳思王鶴雀賦曰。頭如果蒜。目似花椒。刊本脫花字。據何允中叢書本改。又蒼牛藻也。卽陸璣所謂聚藻葉如蓬者也。刊本璣訛機。據書錄解題改。又導是禾名。刊本禾訛未。今改。

長短經 唐趙蕤撰

卷一

知人篇。是誣嫉人也。注奸形外露。原本脫奸字。據蜀志裴注增。論士篇。羈貫成童。原本貫訛冠。據穀梁傳改。

卷三

反經篇。莊子曰。將爲胙篋。原本莊子訛鬼谷。今改。

是非篇。易本隱以之顯。原本以之二字互倒。據史記改。

正論篇。溫柔敦厚而不愚。注。小雅譏小已之得失。原本脫已之二字。據史記增。

卷四

霸圖篇。越王命王世充擊密。原本沿唐諱刪世字。今增。

卷六

荊州北據漢沔。原本沔訛江。據三國志改。又蒙衝鬪艦。原本衝訛衡。艦訛檻。今並改。又九州百郡。注。

未若楚漢在滎陽。成皋時也。原本脫漢字。據漢書增。

卷七

時宜篇。豎儒幾敗吾事。原本脫儒字。據後漢書增。又乃使萬人先行出背水陣。原本背訛涪。據漢書改。

卷八

詭信篇。廉如伯夷。注。夫許由續牙。原本續訛積。據韓子改。

運命篇。顏冉之兄。注。是以釀明醜於貌而慧於心。原本釀訛驥。據左傳改。

昭德新編 宋晁迥撰

卷上

晉陶侃條。禹聖者乃惜寸陰。原本聖訛舜。據晉書改。

習學記言 宋葉適傳

卷二

權勢之爭。遜而不厲。原本厲訛利。今改。

卷四

然則健順固所以爲易簡乎。抑健順不足以盡乾坤乎。原本脫坤字。今增。

卷七

方二百里則二十五子。原本五訛王。據周禮改。

卷八

季武子夷人之墓以成寢。原本夷訛包。據檀弓注改。

卷九

輯睦威懷。豈無道焉。原本焉下行不使二字。今刪。

齊豹之盜而孟軻之賊。原本盜訛道。繫訛繁。今並改。

然孔子非能掃三桓而更之。原本桓訛指。今改。

卷十一

鄭伯髡頑。楚子麇皆不書弑。原本脫麇字。今增。

卷十二

沈竈產鼃。民無畔意。原本脫產鼃二字。據國策增。

卷十三

善人天資粹美。原本天資粹美訛作天之添德。今改。

非堯舜安能用孔子。原本用訛周。今改。

卷十五

其人與老子並時。或相先後。原本脫與字。又或訛不。今並增改。

湛兮似若存。原本若訛。或據老子改。

卷十六

火則上炎。水則下注。原本火則二字互倒。今改。

兵稍之不試者。原本稍訛稍。據子華子改。

卷十七

布指知寸。布手知尺。舒肘知尋。原本肘訛指。據家語改。

故子貢爲衛君言。子不爲其不然也。原本言訛至。子不訛今曷。並據家語改。以仁輔化。原本化訛仁。據家語改。

十一年春。齊國書。高無丕伐魯。原本一訛二。丕訛不。並據左傳改。不待駕而救子思。原本脫不待二字。據孔叢子增。

卷十八

魏文侯講韓趙而諸侯朝。原本趙訛魏。據國策改。

卷十九

十三年北杏之會。原本脫十三二字。據春秋增。

卷二十二

其人材固不逮子夏。田子方。郭隗。樂毅也。原本逮訛建。田訛公。今改。

卷二十三

大抵皆小人田甲。魯謁居之流也。原本田訛因。據漢書改。

卷二十五

論難衍衍。共求政化。原本衍訛衍。又與申屠剛。鍾離意諫語。何其殊絕。原本諫訛課。據後漢書改。

豈杜林、鄭興、陳元、賈逵輩知識實能過於西京諸儒耶。原本林訛材，興訛衆，西訛京，並據後漢書改。

卷二十七

魏文帝欲并吳，原本并訛守，據三國志改。

卷三十

討華軼，滅杜弼，爲不世之勳，原本脫杜字，又弼訛發，並據晉書增改。

時有不同學者，又須別看，原本看訛者，據晉書改。

亦未足以規姚姒，就能規之，不過語言之不似近世者耳，原本脫規之二字，又似訛姒，今並增改。

卷三十二

然劉、石、慕容、苻、姚，皆世居中國，原本脫劉字，今增。

卷三十三

蓋魏文、陳思、習氣之流，原本文訛及，今改。

此亦自一樣子，可參看也，原本看訛著，今改。

江左自劉裕後，未有吳明徹之功，原本徹訛繼，據陳書改。

卷三十七

長孫平救邢劭，原本邢訛刑，據隋書改。

卷三十八

大義一差。萬世不復有所準程。原本有訛無。今改。
大憲適去。稂莠不薅。原本慝訛患。據韓昌黎集改。
蔣係稱上自藩邸監國。原本係訛孫。據唐書改。

卷四十一

大內失白鷹。原本大訛伏。據舊唐書改。

卷四十二

粲粲元道州。前賢畏後生。原本賢訛聖。據杜詩改。

卷四十四

故或衝或錯。或攤或測。原本衝訛衡。又缺攤字。並據太玄經改補。

卷四十八

齊晉迭霸。文告亦不能施於諸侯。原本施於二字互倒。今改。

卷五十

黃庭堅書義熙豐時文也。原本黃訛張。今改。

本語明高拱撰

卷一

問伊川云春秋書災異條不云夷伯之廟震而云震夷伯之廟原本夷伯二字並互倒據春秋改。

資暇錄 唐李匡乂撰

卷上

字辨條無字、毋字、並是正音、原本音訛無、今改。

卷中

合醬條但問菽麴得法否耳、原本麴訛趨、今改。

蘇氏演義 唐蘇鶚撰

卷上

雪者脫也、釋名曰、綏也、水下遇寒而綏、綏然下也、原本綏並訛綏、據釋名改。

漢高祖之祖曰豐公、其妻夢赤鳥若龍戲已而生太上皇、名執嘉、執嘉媪是爲昭靈后、原本嘉訛喜、據宋

書符瑞志改

醋大者或有擡肩、拱臂、攢眉、蹙目以爲恚態。如人食酸醋之貌。案此與資暇集語說各不同。藝從艸。從執。謂執持苗稼之實以散種也。案藝從執。非從執也。蘇氏之說誤矣。又能者獸也。其足似鹿。能獸堅中。故稱賢能而強壯者爲能傑也。原本鹿訛獄。脫能字。堅字。並據說文及徐鉉改增。

卷下

牘者讀也。漢武帝與單于書。以尺一牘。辭曰。皇帝敬問單于。原本尺一訛尺二。辭訛封。據荀悅漢紀改正。牛享問冕旒以繁露者何。答者綴玉而下重如繁露也。案綴玉而下重。古今注作綴珠垂下。與此互異。漢舊制諸國貴人相國皆綠綬三采。原本綠訛緹。據董巴輿服志改。

兩漢京兆河南尹及執金吾。司隸校尉。皆使人導引傳呼。案馬縞中華古今注。及在在河字之上。考金吾捧也。此言京兆及河南尹得執金吾耳。當從縞說爲是。

魏文帝宮人絕寵者。有莫瓊樹。薛夜來。陳尙衣。段巧笑四人。原本魏訛隋。又案陳古今注作田。

玉臺新詠載曹植代劉勳妻王氏見出而爲之詩曰。人言夫婦薄。夫婦情更重。案今本玉臺新詠載此詩前後二首皆題爲王氏作。藝文類聚載前一首爲魏文帝代王氏作。此又以第二首爲曹植代作。三說

不同。

芙蓉一名水且。原本且訛白。據古今注改。

木密生南方。合體皆甜。嫩枝及葉皆可生嚼。案嫩枝。古今注作軟皮。

兼明書 唐邱光庭撰

卷三

劉子玄條。稱王改朔用夏正。原本用訛周。今改。

猗覺寮雜記 宋朱翌撰

卷上

玄菟郡條。六曲屏風。江雨急。九枝燈檠。夜珠圓。原本枝訛珠。據李義山集改。
東坡條。陰雨者時之餘。原本脫者字。又時訛月。並據漢略增改。
退之條。主人出。語笑欸然。原本脫然字。據宋書增。

卷下

目送條。晉文王目送魏舒。原本王訛公。據晉書改。

緯略 宋高似孫撰

卷一


寧馨條。又南史曰。宋王太后疾篤。使喚廢帝。原本史訛宋。今改。

卷八

葛洪論史記條。悲而不傷。原本悲訛憂。據西京雜記改。

卷十二

擊鮮條。孔氏曰。決百川。有魚鼈。使民鮮食之。原本氏訛子。今改。



四庫全書考證卷五十三

子部

蘆浦筆記

野客叢書

坦齋通編

穎川語小

賓退錄

困學紀聞

正楊

徐氏筆精

名義攷

義府

潛丘劄記



湛園札記

義門讀書記

論衡

東原錄

王氏談錄

仇池筆記

東坡志林

珩璜新論

楊公筆錄

呂氏雜記


冷齋夜話

曲洧舊聞

嬾真子

石林燕語

避暑錄話



却掃編

四庫全書考證

卷五十三



二二〇三

蘆浦筆記 宋劉昌詩撰

卷一

洪範七稽疑條。卜五占之用。謂雨、霽、霧、圜、克也。原本霽、圜、訛、圜、霧。據尙書注疏改。

卷三

潛火條。王夷師燿。原本脫王字。據左傳增。

糊名條。乃令試日皆糊其名。原本皆訛白。據唐書改。

卷四

周府君條。最後方辨其名憬。原本憬訛璟。據集古錄改。

卷七

司馬相如條。上讀子虛賦而善之。原本善訛喜。據史記改。

豪恬條。此其中不能無絕地脉哉。原本脫絕字。據史記增。

仙卜條。政和中。有觀妙明真洞微先生王老志。原本志訛至。據宋史改。

卷八

至和拜相制條。劉沆雅性內融。原本沆訛沅。據宋史改。

資政壯節王公家傳。原本壯訛莊。據宋史改。

白玉樓賦。介乎台衡之北。傳後世以誇雄。原本衡訛州。今改。

野客叢書 宋王楙撰

卷一

班史略於節義條。高祖令諸故項籍臣名籍。原本令上衍悉字。又脫故項二字。並據漢書刪增。

卷三

婦人封命條。朗陵公何曾。原本朗訛郎。據晉書改。

卷五

顏駟條。見一老郎鬢眉皓白。原本眉訛著。今改。

翽湜待退之條。李翽從僕學文。頗有所得。明知其師退之也。原本師訛卽。今改。

卷六

來南協聲條。無說詩。匡鼎來。原本說訛學。據漢書改。

卷七

五技之鼠條。能走不能先人。原本先訛免。據說文改。

卷八

種田養蠶條。鄉貢八蠶之綿。原本綿訛繭。據文選改。

卷十

石凍春條。青旗沽酒趁梨花。原本趁訛聽。據白居易集改。

卷十二

開八袞條。時俗謂七十以上爲開第八袞。原本爲開二字互倒。據白居易集改。
灰釘條。代王茂元檄。原本代訛伐。據李商隱集及文苑英華改。

卷十五

古人名字條。叔齊名允字公信。原本允訛亢。據論語注疏改。

卷十六

亭長條。以亭長啟閉傳禁約。原本閉訛開。據唐書改。

卷十九

杜詩合古意條。巡簷索共梅花笑。原本索共訛但索。據杜甫集改。

卷二十

參軍簿尉條。始與箠楚辭。原本與訛免。據杜甫集改。

卷二十五

續釋常談條。刁存年老口臭。原本存訛協。據漢官儀改。

卷二十七

退之淮西碑條。負以靈鼈蟠以螭。原本蟠訛戴。據李商隱集改。

卷二十八

名與本傳不同條。海錄碎事。原本錄訛陸。今改。

卷三十

健兒跋扈條。馮衍顯志賦。原本脫顯字。據後漢書增。

坦齋通編 不著撰人名氏

蔡君謨荔枝譜。紅鹽者。以鹽梅浸佛桑花爲紅漿。投荔枝漬之。案紅鹽之鹽讀去聲。此所引訛。又梅下脫
醃字。

王仲舒爲江西觀察。有興浮屠祠屋者。悉驅出境。原本脫浮字。今增。

穎川語小 宋陳叔方撰

卷上

都曹乃刑部都官。古之司隸校尉。今稱都司爲都曹。非也。案通典。刑部都官郎中一人。下云。漢司隸校尉屬官有都官從事。掌中都官不法事。是郎官乃司隸校尉之屬官。非卽司隸也。疑原本或脫屬官二字。又校正諸房文字。乃中書門下省。非尙書省。謂檢正爲都司之長。誤矣。案宋史職官志。中書省檢正官。五房各一。掌糾正省務。至門下省。不聞有檢正也。惟建炎中。詔減尙書省左右司郎官二員。置中書門下檢正諸房公事二員。次年復舊。是中書門下檢正官第一時之制。不可援之爲例。此似未核。本朝奏事時。雖宦者亦遠避。而杜詩云。朱衣只在殿中間。不知所指朱衣爲何官。今考朱衣者。乃臺省引班之小吏耳。案杜詩。朱衣當指侍臣之賜緋者。此以宋制朱衣吏言之。所說殊誤。不知朱衣導引之吏。無由得至殿上也。

今省部白帖。皆公移也。惟帖俗以子稱。案沈括夢溪筆談。唐中書指揮事謂之堂帖子。曾見唐人堂帖。宰相簽押格。如今之堂劄子也。據此。則帖子之名自唐已然。此未詳考。

丈人蓋父行也。古詩云。三日斷五匹。丈人故嫌遲。案玉臺新詠載焦仲卿妻詩。作大人故嫌遲。郭茂倩樂府詩集。左克明古樂府並同。此作丈人。未詳何據。或宋本如是也。

卷下

賀正旦用履端于始。意謂歲首也。而不思乃是閏月事。案杜預左氏傳注曰。步歷之始。以爲術之端首。孔

穎達疏曰。歷之上元。必以日月全數爲始。於前更無餘分。以此日爲術之端首。故言履端於始也。史記歷書注引韋昭曰。謂正歷必先稱端始也。若十一月朔且冬至也。皆指冬至而言。此云是閏月事。恐緣經文閏三月之文而誤會耳。

只字見毛詩。他無所出。案只字。自毛詩之外。又見楚辭大招。此云他無所出。非也。

邵氏聞見錄有叵羅。不知何物。案叵羅。酒器也。見北史祖珽傳。又李白詩。岑參詩。此似未考。

腰帶下垂。義取於順。唐制謂之銑尾。從金從宅。小說云。黃幡綽以伶官無魚袋。插獺尾於腰。謂明皇曰。賜緋毛魚袋。或者不知銑尾所出。遂指爲獺尾。非也。案唐書車服志。腰帶者。搯垂頭于下。名曰銑尾。取順下之義。又考王建詩。新衫一樣殿頭黃。銀帶排方撻尾長。中華古今注。文武品階。腰帶。蓋古革帶。六品以下用銀爲銑。向下插垂頭而取順。合呼撻尾。塵史。腰帶。唐高祖令下插垂頭。今謂之撻尾。是銑尾本有稱撻尾者。後人呼爲獺尾。或緣撻音之誤。未必緣黃幡綽語也。

草泥行郭索。雲木叫鈎鞞。乃用本草語。案郭索見揚子。鈎鞞見李羣玉詩。此云本草。殊誤。

嶺南七十二子。范石湖桂海虞衡志。嘗取之。皆猿狙之所甘。強名曰果。如古買鼠毛。粘韶。火炭。斤斗。乃諸子中稍可名者。案桂海虞衡志。果云。世傳南果。以子名者。百二十。半是山野間草木實。猿狙之所甘。人強名以果。故余不能盡識。錄其可食者五十五種。今云七十二子。與原書之數不符。且志中止載有粘韶。火炭。而古買鼠毛。斤斗。諸名無之。古買疑卽古米之誤。韶子卽志所云山韶子。藤韶子之類。餘皆

未詳疑叔方所據本或與今不同也。

賓退錄 宋趙與峕撰

卷一

王建條。理盡昨來新上曲。原本來訛夜。據全唐詩改。

熙寧間。賜岐王顥。嘉王顥。玉帶各一。原本岐訛政。據宋史改。

卷三

漢昭帝條。慕容根。原本容訛輿。據北史改。

卷五

戰國策條。秦遷西周公子于懸狐。原本懸訛惠。據史記改。

卷六

路德延條。摧厖似餓鳶。原本摧訛飽。據宋詩紀事改。

卷七

今道家設醮條。單狐之山。原本單訛軍。據山海經改。

卷八

州縣城隍廟條。見城隍神自言晉桓彝也。原本桓訛且。據太平廣記改。

卷九

葛常之條。圓壁庚庚有橫理。原本橫訛口。據黃庭堅集改。

卷十

崇仁吳德遠條。雲烟湖寺家家鏡。燈火沙河夜夜春。原本鏡訛境。火訛少。並據蘇軾集改。

困學紀聞 宋王應麟撰

卷一

易下陽舉而號亡。案下。公羊穀梁春秋並作夏。此從左傳。

井之九三。荆公解云。求王明。孔子所謂異乎人之求也。君子之于君也。以不求求之。其于民也。以不取取之。其于天也。以不禱禱之。其于命也。以不知知之。井之道無求也。以不求求之而已。文意精妙。諸儒所不及。案此條。全祖望經史問答以爲乃荆公一生心法作用。經義之最乖舛者也。

玉泉喻氏云。小人道消。非消小人也。化小人爲君子也。案此條。全氏謂然則君子道消。是化君子爲小人也。不如舊說爲妥。

小畜下體乾。刊本下訛上。據周易改。

易緯乾鑿度以八卦之畫爲古文天地風山水火雷澤字刊本水訛坎今改蓋爲聞杜鵑聲也刊本聲訛發據何焯校本改

卷二

書不如仁人注紂至親雖多不如周家之少仁人案少今本論語作多此與宋本同君陳蓋周公之子伯禽弟案坡公以爲如君奭君牙類難確證爲周公之子

卷三

詩凡雅二十六篇其八篇可歌案其大戴禮作共命虢公率六師伐太原之戎刊本之訛而據後漢書及竹書紀年改

卷四

說文澠水出瑯琊箕屋山東入海徐州浸夏書澠淄其道鄭讀非也案箕縣之澠於禹時屬青州於周時當屬幽州職方幽州其澤藪曰豸養其川河泆其浸菑時可以互證師古以當兗州之澠誤也至職方無徐州檢逸周書亦然說文云徐州浸亦誤

卷五

漢始亦以驚蟄爲二月中雨水爲二月節刊本脫亦字據月令注增武公非始討之君刊本公訛宮據何焯校本改

能辨之。然後能繼志。案之何焯校本志。

公符篇載孝昭冠辭。案公符當作公冠。此承坊：大戴禮之訛。

卷六

春秋通鑑謂王霸無異道。刊本王訛五。據何焯校本改。

景王之尹氏。又世太師之惡而私立子朝。刊本朝訛廟。據春秋改。

蓋虎牢之險。天下之樞也。在號曰制。在鄭曰虎牢。案隱元年。制已屬鄭。莊二十年。王與鄭田自虎牢以東。則制與虎牢非一地。

卷九

天道六十分爲一刻。一時有八刻。刊本六十二字互倒。據五代會要改。

卷十

地理。仲尼讀春秋。老聃踞竈觚而聽。案朱彝尊經義考引此條。聽下有之字。又有曰是何書也。曰春秋也。八字。

卷十一

考史。宰予與田常作亂。龜山楊氏曰。田常爲亂于齊。齊君蓋弗勝也。宰予附田常。則誰得而殺之。使其爲齊君而死。則子何罪焉。當是時。有闕止字。子我。死于田常之亂。是必傳之者誤。而爲宰我也。案呂氏春

秋審分覽史記李斯傳說苑指武篇所載宰我自爲簡公死非爲陳恒死其盡忠視子路爲優自史記仲尼弟子傳家語弟子解誤以爲陳恒之黨異說始滋司馬貞覺其失以爲左傳闕止之譌不知左傳及史記齊太公世家言田闕相攻于闕止無貶辭則闕止或卽爲宰我亦未可知田敬仲世家分爲二人仍當以齊太公世家爲正也洪邁又據孟子賢于堯舜等語斷爲夫子歿後所談以明宰我不死陳恒之難不知有若明言丘垤不諱其師之名則三賢論夫子時夫子尙在亦不足以爲宰我辨總由論宰我者不善讀左傳史記又不參考呂覽說苑故諸說紛然迄無定準特表出之以見聖門高第皆忠臣義士必無失身于黨惡者

卷十二

嚴延年劾奏霍光擅廢立無人臣禮不道奏雖寢朝廷肅焉呂成公曰大哉延年之奏也自夷齊之後一人而已沙隨程氏謂延年女羅紉爲昌邑王賀妻生子女持轡惟漢人風俗之厚故不以爲嫌案是時有二延年此延年字長卿爲執金吾見漢書百官公卿表其劾霍光之延年字次卿爲侍御史見漢書列傳此合爲一誤

卷二十

雜識石尤風李義山詩作石郵案尤郵二字本通

正楊明陳耀文撰

卷一

晉侯使鞏迎獻齊捷于周。原本捷訛侯。據左傳改。

卷二

思乙乙其若抽。原本若訛不。據文選改。

卷三

詔冊夫人爲高涼郡太夫人。原本詔訛語。今改。

徐氏筆精 明徐燏撰

卷四

吳草廬詩道服只將平等視。玉環飛燕總天容。原本天容訛芙蓉。據吳澄集改。

卷七

白帝非叛條。述與光武。猶項羽之與高祖也。原本脫下與字。今增。

名義攷 明周祈撰

卷一

北辰北斗條。春秋運斗樞。原本運訛建。今改。

卷十二

輻重條。後漢書輿服志。原本脫漢書二字。今增。

義府 歙縣黃生撰

卷上

鞮鞻條。掌外國之樂。與其聲歌。注。西方曰侏離。原本脫離字。據周禮注疏增。
勃鞞條。將軍文子名木。檀弓作彌牟。原本牟訛年。據檀弓改。
衣裳異色條。五音均一。不能諧于耳。原本諧訛借。今改。

卷下

名平條。考後漢書郡國志。原本脫漢字。今增。

生平毀程不識條。乃罵臨汝侯曰。生平毀程不識。不值一錢。原本臨汝侯三字訛作賢字。據漢書改。

潛丘劄記 山陽閻若璩撰

卷一

癸辛雜識管寧初無白帽事。獨杜佑通典帽門載管寧在家常著帛帽。豈以帛爲白乎。案杜佑通典並無帽門。卽嘉禮中載冠禮章服禮亦無此二語。考三國志管寧傳帛作皂。訛謬顯然。但此條具癸辛雜志前集中。姑仍其舊。

朱錫鬯與顧寧人書條。寒芳苓之巢龜。原本寒訛寒。據文選改。

卷二

羊流店條。詔以泰山之南武陽、牟、南城、梁父、平陽五縣置南城郡。原本父訛武。據晉書改。
郡國志條。在秦爲三川郡。治滎陽縣。故李由三川守。原本三俱訛山。據漢書地理志注及史記改。

卷三

通鑑元狩元年條。遣耿夔。任尙破北單于於金微山。出塞五千餘里而還。原本脫里字。今增。

卷五

武王伐紂條。宋公將戰。原本脫將字。又如祝鮀所謂分康叔以殷民七族。原本脫七字。並據左傳增。
古所謂山東者條。劉敬說高帝都關中。原本脫都字。據史記增。

卷六

與戴唐器書。弟雖老。尤當炳燭以行耳。原本炳訛秉。案說苑。老而好學如炳燭之明。今據改。又李邕撰張長史碑。原本脫邕字。據文苑英華增。

湛園札記 翰林院編修姜宸英撰

卷一

周王畿內公邑之地條。其大夫如縣正。原本正訛長。據周禮注疏改。

李士謙條。李謚弟子士謙。原本複衍弟字。據北史刪。

王摩詰遊感化寺條。若用禮記鹿女舛。原本禮記訛周禮。今改。

卷二

天子之縣內條。天子所居州界名也。原本界訛略。據禮記注改。

內則姑舅條。齊人以相絞許爲掉磬。原本齊訛商。相訛先。並據禮記疏改。

小子掌祭祀條。先鄭謂羊肆體薦全烝非是。原本羊肆訛肆解烝訛牲。並據周禮注改。

卷三

聘禮。原本禮訛義。據儀禮改。

昭二十五年條。宋公享昭子賦新宮。原本公訛人。據左傳改。

卷四

唐棣條。今宮園種之。原本宮訛宅。據爾雅疏改。

宋書禮志條。是又用八月十四日也。原本八訛七。據野客叢書改。

公羊穀梁條。穀梁子名淑。案淑。通考作倣。

東坡曰。司空表聖條。然後知此詩之工也。原本後訛未。工訛玉。並據漁隱叢話改。

義門讀書記 翰林院侍讀學士何焯撰

卷十七

前漢書枚乘復說吳王。刊本王訛生。今改。

卷二十一

後漢書擢遷河南尹。時既以賄賂爲官。刊本河南二字訛倒。據後漢書改。

卷五十一

杜工部集。立國自有疆。刊本立訛列。今改。

論衡 漢王充撰

卷三

骨相篇。高祖爲泗上亭長。當去歸之田。案當去。史記作嘗告。又衛青父鄭季與信陽公主家僮衛媼通。案信。史記作平。

初稟篇。乃眷西顧。此惟予度。案度。毛詩作宅。又光祿大夫劉琨前爲弘農太守。虎渡河。光武皇帝曰。偶適自然。非或使之也。案琨。後漢書作昆。又偶然之語。係昆所對。此作光武語。與漢書異。本性篇。微子曰。我舊云。孩子。案孩。今本尙書作刻。

卷五

異虛篇。師已採文成之世童謠之語。案成。左傳作武。史記亦作成。注云。魯文公。成公。

感虛篇。瓠芭鼓瑟。淵魚出聽。案芭。荀子作巴。又師曠鼓清角。有玄鶴二八自南方來。集於廊門之危。案史記無之危二字。又危。韓非子作垓。

卷六

禍虛篇。才能不及中人。刊本脫人字。又而廣不爲後人。然終無尺寸之功。刊本不下衍侯字。寸訛土。並據史記改刪。

龍虛篇。龍之爲蟲也柔。刊本柔訛鳴。據韓非子改。又昔有颺叔安。刊本安訛宋。據左傳改。又予惟率

夷憐爾。案夷憐。今本尙書作肆矜。

卷七

道虛篇。願見盧敖。樊然下其臂。案樊。淮南子作慢。

語增篇。高祖又逃。芒碭山澤中。刊本訛作又逃。呂后于澤中。據史記及漢書改。

卷十

非韓篇。狂譎華士二人。昆弟也。案譎。韓非子作喬。

卷十三

超奇篇。讀陸賈之書。歎稱善。左右呼萬歲。刊本脫善左右呼四字。據史記增。

卷十四

寒溫篇。舒恒燠若。案舒。今本尙書作豫。

卷十五

明雩篇。比滂沍矣。案比。毛詩作俾。又時則物有閒之。案物。今本尙書作勿。又詠而饋。詠歌饋祭也。案

饋。魯論作歸。此與釋文所載鄭康成本同。

卷十七

指瑞篇。高宗問祖己。刊本已訛乙。據尙書大傳改。

卷十九

恢國篇。王莽遣二公將三萬人戰於昆陽。案三萬漢書作百萬。

卷二十二

紀妖篇。與百神遊于鈞天廣樂。刊本廣訛靡。又配而七世之孫。刊本七訛十。又自簡子後。七世至武靈王。刊本七訛十。又吳廣入其女娃。嬴字孟姚。刊本廣訛慶。女訛母。娃訛姓。字訛子。並據史記改。又步游下邳泗上。案泗。史記作圯。

卷二十六

實知篇。遠過吳。從江乘渡。刊本脫吳字。渡字。據史記增。

卷二十九

對作篇。聖人作經藝。著傳記。刊本著訛者。又桓君山新論。刊本君山二字互倒。今並改。

東原錄 宋龔鼎臣撰

青社有白門條。則酈道元所謂南門者。其理亦通。原本脫道字。據魏書增。論語有子桑伯子條。夫子何爲見此人乎。曰。其質美而無文。原本脫曰字。又而下衍闕如也三字。並據說

苑增刪。

樊噲條。後漢書郡國志。濟陰郡冤句有煮棗城。原本郡國訛地里。據後漢書改。

王氏談錄 不著撰人名氏

七言詩條。古七言詩自漢末。蓋出於史篇之體。原本篇訛爲案說。鄂作篇。蓋謂史游急就篇。今據改。辨藥條。市中藁本多雜以威靈仙。原本靈仙二字互倒。據本草綱目改。

元父城條。阮籍有元父城賦。原本阮籍訛既舊。元訛亢。並據阮籍集及賦彙改。

仇池筆記 宋蘇軾撰

卷上

酒名條。酒有郢之富水春。烏程之若下春。刊本脫二春字。據國史補增。

東坡志林 宋蘇軾撰

卷六

蘇子得廢園于東坡之脅條。不猶雪之在凹者乎。刊本凹下衍凸字。又升是堂者將見其不遡而優。刊

本不下衍游字。並據蘇軾集刪。

卷十

玉川子條。歲星主福德。刊本主訛坐。又覆尸無衣巾。刊本尸訛口。並據全唐詩改。

卷十三

晉方技傳。有韋虛者。父母使守稻。牛食之。虛見而不驅。案方技。晉書作藝術。韋虛作幸靈。

珩璜新論 宋孔平仲撰

或問符節條。以旄牛尾爲其旣。原本缺旣字。據後漢書補。

宋玉文。豈能與之料天地之高哉。原本文訛賦。今改。

楊公筆錄 宋楊彥齡撰

王瓊妙于方物條。取羯鼓打春光好一曲。原本好下衍景字。據羯鼓錄刪。

股外謂之脾條。眊。眊目蔽垢也。原本眊訛覲。據唐韻改。

蒼頡之古文條。草書第二子玉。章草入神。原本二訛三。又子玉訛字王玉。並據南史及書斷改。又其流

逸則或俯頭搵水。原本搵水訛搵本。據國史補改。

學者讀史條闕氏音焉支原本氏下行者字又焉訛爲 又龜茲讀如鳩慈狝氏讀如權精之類原本脫鳩慈狝氏讀如六字並據漢書注刪改增

學者于字條烏作鵠尉作熨原本烏訛鵠據說文改

余初任隰州司戶條北齊郎基原本缺齊字據北齊書補

呂氏雜記 宋呂希哲撰

卷上

胡安定先生自慶歷中教學於蘇湖間一條其初人未甚信服乃使其徒之已仕及早有世譽者盛之僑顧子敦臨吳元長攷輩分治職事案李燾續通鑑長編朋九萬烏臺詩案皆有知考城縣事盛僑又蘇轍欒城集有盛僑授國子監司業告詞此書獨作盛之僑與諸書不同觀顧臨吳攷二人皆字與名連書則之字亦僑之字傳寫脫去上一字耳

福唐有陳烈季甫周希孟公闢鄭穆閔中陳襄述古窮經苦節以古人相期故當時有四先生之號原本周希孟訛周孟據王偁東都事略補

老子曰古之善爲道者非以明民將以愚之原本脫下以字據老子補

伊尹之耕於有莘也說之築於傅巖也太公之釣於渭水也其於天下非事事而究其利病也案此條亦

見程子遺書。字句小異。胡氏注云。識者疑其間多非先生語。據此知此條本呂氏語。而後儒訛入程子書者。

明道元年一條。紹興十二年十一月庚子。命內使王晉錫作崇政垂拱二殿。案此事王應麟玉海亦載之。然考宋史及名臣言行錄。希哲實卒於政和中。安能下見紹興之事。疑此條他書之文。永樂大典誤標爲呂原明雜記也。今姑仍原本。

太宗親飛白書以榜學士之廳事。曰玉堂之院。案翰苑全書載太宗所書。乃玉堂之署四字。此作院。蓋治平以後避英宗之諱也。

卷下

文靖公往嘗遊越州。有詩曰。賀家湖上天花寺。一一軒窻向水開。原本天花訛天章。據陸游老學菴筆記改。

田宣簡公况爲三司使。時人目爲照天蠟燭。楊宣懿公察繼其任。譽不減田公。人目之爲水晶燈籠。案孔平仲談苑。以照天蠟燭爲田錫。水晶燈籠爲劉隨。與此小異。

翰林王狀元灝。卯角時。畢相士安令其屬對曰。鸚鵡能言爭似鳳。灝應聲曰。蜘蛛雖巧不如蠶。案蔡條西清詩話。邵伯溫聞見前錄。皆以此爲王禹偁事。蓋傳聞之異也。

正獻公守潁時。趙康靖公槩自南京訪歐陽公於潁。與公二人會燕於歐陽公第。因名其堂曰會老。案南

京二字原本作宋。今據王闢之澠水燕談、蔡條西清詩話改。

滎陽公嘗曰。吾嘗夜而計過。然自閒居來。自省己頗無過事。案呂氏子孫皆稱希哲爲滎陽公。不應著書以此自稱。疑此條爲呂氏他書之文。永樂大典訛標爲呂原明雜記也。

王詔旣取熙河一條。東坡自黃州歸。路由金陵。荆公見之。大喜。與之出遊。原本黃州訛廣州。據蘇軾年譜改。

鄧洵武本蔡卞所引。元符末。卞去位。乃附蔡京。韓李當國。自右史移少常。建中靖國六月。洵武進一愛莫助之圖。謂主上方紹述先志。朝中無人助者。案宋史是時韓忠彥曾布爲相。此云韓李當國。疑誤。又宋元通鑑載此事在建中靖國元年十一月。此云六月。未詳孰是。

劉庠彈歐陽修於英宗衰服下著緊絲花襖子。曰細文麗密。閃色鮮明。衣於純吉之日。已累素風。服於大喪之中。尤傷禮教。案緊絲花襖子。名臣言行錄作紫地皂衣緊綈袍。與此微異。

都城西南十五里。有地名麀糟陂。土人惡之。自易爲好草陂。原本糟作遭。案漢書霍去病傳注亦有此字。又程子遺書亦有麀糟陂字。今據改。

冷齋夜話 宋釋惠洪撰

東坡夢銘紅靴條。雲蒸雷起。案雷。漁隱叢話作霧。又百疊漪漪水皺。案水志林及蘇詩補注俱作風。東坡南遷條。世謂樂天有鬻駱馬。放楊枝詞。刊本脫馬字。據蘇軾集增。

盧橘條。盧橘微黃尙帶酸。案微黃。蘇軾集及諸本俱作楊梅。

東坡留題。姜唐佐扇條。朱崖從此破天荒。案蘇詩補注作白袍端合破天荒。與此異。

援骨奪胎條。舒王作與故人詩。案王安石詩集題作過外弟飲。與此異。又不知烏石岡邊路。刊本岡訛

江。據王安石詩集李壁注改。

采石渡鬼條。大衆恐。使人問其時。公宿采石之夜。案宋稗類鈔所引作一衆盡恐。乃公宿采石之夜也。無使人問其時五字。

卷二

僧賦蒸豚詩條。捕逐餘寇。刊本逐訛還。又有肉無蔬。公益奇之。刊本益訛亦。今並改。

卷三

池堂春草條。如謝東山喜見羊曇。刊本羊訛華。據晉書改。

東坡美謫仙句語作讚條。晚披雲夢澤。案蘇軾集及志林俱作朝披夢澤雲。與此異。又西望太白橫峨岷。刊本西訛東。據蘇軾集改。又作詩大笑君應聞。案大蘇軾集作一。

卷四

王荆公東坡詩之妙條。欲寄荒寒無善畫。刊本荒訛歲。據王安石集及唐宋詩醇改。
賈島詩條。客舍并州三十霜。案三。全唐詩作已。又如今更渡桑乾水。案如今。全唐詩作無端。

卷五

詩置動靜意條。江春入舊年。刊本舊訛暮。據全唐詩改。

東坡屬對條。予遊儋耳及見黎民表。刊本脫表字。據蘇軾集增。又嚼齒穿齦。刊本穿訛空。據志林及宋

稗類鈔改。

丁晉公海外詩條。花非識面常含笑。鳥不知名時自呼。案非。蘇軾集作曾。常含笑作香。仍好。知名作能言。
時作名。並與此異。

卷六

東坡和惠詮詩條。唯聞煙外鐘。不見煙中寺。幽人夜未寢。草露濕芒屨。案芒屨下。蘇軾集尙有惟應山頭
月。夜夜照來去。此脫。

卷七

般若了無剩語條。非其筆端有舌。刊本脫有舌二字。據蘇詩補注及黃庭堅集增。

卷九

三十六計條。紹聖初曾子宣在西府。刊本聖訛興。據宋史改。又予與奴楊照追逐二相公廟。刊本與訛

爲據宋稗類鈔本。

曲洧舊聞 宋朱弁撰

卷一

眞宗皇帝條。李文靖眞聖人也。原本闕眞聖人也四字。據宋史補。

卷三

語兒梨條。鄭州郭祖嵩陵旁產此甚多。原本嵩訛蒙。據五代史改。

卷五

晁端稟條。少以知人。則百僚任職。賦爲開封府解頭。原本脫賦字。今增。

卷九

孔瑜條。嘗知蔡州。原本蔡州二字互倒。今改。

懶眞子 宋馬永卿撰

卷二

隴石詩條。搏埴之工陶旅。刊本搏埴訛埴埴。據周禮改。

卷三

陳待制條。我得邑金。是以知爲縣令也。刊本金訛令。據莊子改。

卷四

柴慎微條。九月僑如以夫人婦姜氏至自齊。刊本婦訛歸。據春秋改。

石林燕語 宋葉夢得撰 宇文紹奕考異

卷一

崇政殿條。今乘輿行幸。最近駕前所持玉斧是也。原本持訛擱。案擱字見周禮。乃刺取之義。無作攜持解者。據稗海改。

故事。宰相食邑滿萬戶。始開國。賈文元以佐平貝州功。特封安國公。其後以武勝軍節度使入爲祥源觀使。原本貝訛貝。據宋史本傳改。又案本傳賈昌朝除武勝軍節度使同平章事。判大名兼北京留守。尋以討貝州賊有功。移山南東道節度使。並無封安國公之文。其後歷封許魏二國。亦未嘗封安國。至入爲祥源觀使。則在判鄭州入覲時。非自武勝軍節度使也。此條與本傳互異。

卷二

集賢院學士條。考異。集賢院學士錢若水。陳恕。郭贄皆自前執政除。非獨吳正肅也。原本陳恕訛除。恐案

宋史列傳自執政除集賢院學士者。吳育、錢若水、郭贄外。尚有陳恕一人。今據改。

唐有翰林侍書條。太祖平蜀。王著蜀人。善書。原本太祖訛太宗。案宋史太祖本紀平蜀孟昶。乃太祖乾德三年事。今據改。

卷四

唐自明皇以誕日爲千秋節條。案新舊唐書及唐會要載唐諸帝誕日節名。僖宗爲應天節。昭宗爲嘉會節。哀帝爲乾和節。懿宗亦置延慶節。此本以僖宗爲嘉會。昭宗爲乾和。而稱懿宗不置節。蓋夢得紀錄之誤。今姑仍原文。

熙寧初改經義條。邵剛魁得次徐鐸榜。原本鐸訛驛。考宋史本傳及文獻通考俱作鐸。今據改。又李常寧、畢漸、李釜、案李釜。文獻通考作李釜。咸淳毘陵志作李奎。諸本互異。而其人不見於史。無可折衷。今仍原本。

元豐旣新官制條。其陸壁屏下。悉用重布不紙糊。案陸壁二字。據此書第二卷內俱作照壁。獨此處作陸字。案說文陸字下訓云。耕以畱浚出下壚土也。無對照之義。葉氏用此字。疑出好奇之過。今姑仍原文。

卷五

唐人記張延賞妻條。本朝韓忠獻億夫人王魏公女。忠獻參知政事。雖不爲相。而康公玉汝皆洊登相位。持國又爲門下侍郎。原本皆字下有脫文。考宋史韓絳傳。絳於熙寧三年十二月拜同中書門下平章。

事。昭文館大學士韓縝傳。哲宗初立。拜縝尚書右僕射兼中書侍郎。二人皆嘗爲相。原本蓋脫去官位。遂致文義不屬。今據史文增入。

司空圖條。至如表聖。蓋義不仕全忠者。原本至訛知。據稗海改。

舊制學士以上。賜御仙花帶而不佩魚。案御第三卷內作遇。御遇二字前後互異。考此帶之制。始於宋太宗時。歐陽修歸田錄載之作御仙花。而徐度却掃編又作遇仙花。蓋宋人紀載本有錯互。未知孰是。今俱仍原文。

堯稱陶唐氏條。秦本欲稱秦皇。既去秦號稱皇帝。原本秦訛秦。稗海本亦同。據史記秦始皇本紀改。

卷七

故事在京職事官條。時邢尚書恕以河南府永安縣主簿首爲崇文院校書。胡右丞愈知諫院。猶以爲太遽。案宋史列傳無胡愈。惟胡宗愈在神宗時嘗同知諫院。與邢恕同時。原本疑脫宗字。但邢恕傳止言諫官論之。而不著其名。無可參考。今姑仍原本。

蘇相子容爲南京察推。原本南訛兩。據稗海改。

卷八

國初以供奉官條。合宗室八百七十。原本合訛禱。據稗海改。

元昊叛條。男邦面令國兀卒郎霄。原本男訛南。案宋史夏國傳作男邦泥定國兀卒曩霄。又案龐籍傳云。

稱男不稱臣。籍不敢從。則南字當作男。今據改。至其文彼此互異。則當時音譯之誤。今姑仍原文。賈文元爲崇政殿說書條。考異。呂公著傳求。常秩皆爲天章閣侍講。原本求訛卞。案宋史列傳無傳卞。惟傳求曾爲天章閣侍講。今據改。

國朝宰相條。元祐九年。呂大防罷。章惇相。七年罷。案宋史宰輔年表。章惇以紹聖元年甲戌入相。元符三年庚辰罷。前後凡七年。原本元祐九年。句應作紹聖元年。七年罷。句應作元符三年罷。方爲清晰。原本文義未明。

卷九

慶歷中契丹遣蕭英、劉六符來求取關南北地。原本地訛路。據稗海本改。又偏裨皆請斬之。原本偏訛。則今改。

卷十

蘇魏公爲宰相條。呂微仲語蘇可見上辨之。原本脫語字。據稗海補。

前輩多知人條。夏文莊公知蘄州。案宋史夏竦傳。竦歷如黃、鄧、襄、壽、安、洪、潁、涇、鄜、蔡、亳等州。並無知蘄州之文。或本傳脫略。或此書原本有誤。今姑仍原文。

宋元憲公嘗問蘇魏公。原本脫憲字。考宋史列傳。宋庠諡元憲。問蘇魏公云云。係庠事。今據增。

避暑錄話 宋葉夢得撰

卷上

揚子雲言谷口鄭子真條。所謂汪汪若萬頃陂者。非郭林宗無以知之。刊本陂訛波。據後漢書改。
老子莊列之言條。若本未嘗有物。則不待齊而與道適。無往而不逍遙矣。刊本本訛物。道適訛適。則今改。
陸機以齊王問矜功自伐。作豪士賦刺之條。如君子盧毓。盧珽。刊本珽訛珽。據晉書改。
張景修條。謝人惠油衣云。何妨包裹如風籜。且免淋漓似水雞。刊本籜訛樂。今改。

卷下

李翱習之論山居條。柏奇峻堅瘦。似李元禮。刊本禮訛膺。據後漢書改。
本朝大樂條。燕樂律亦高。歌者每苦其難繼。刊本律訛例。據宋史改。
蘇子瞻條。他日神遊定何所。桐鄉知葬浙江。刊本知葬訛應。在據蘇軾集改。

却掃編 宋徐度撰

卷中

唐制禮部郎官條。又就遷學士。仍領辭不受。案仍領下。津逮祕書有此職二字。

四庫全書考證卷五十四

子部

紫微雜記

墨莊漫錄

寓簡

雲麓漫鈔

游宦紀聞

老學庵筆記


愧郟錄

鶴林玉露

脚氣集

齊東野語

困學齋雜錄



日聞錄

湛淵靜語

雪履齋筆記

胡文穆雜著

調言長語

震澤長語

餘冬序錄

戒庵漫筆

畫禪室隨筆

六研齋筆記

六研齋二筆

六研齋三筆

春明夢餘錄

負暄野錄

格古要論



意林
雲仙雜記



四庫全書考證 卷五十四

二二二九

紫微雜記 宋呂本中撰

左氏膏肓條。盡用春秋感精符之類爲證。原本春秋訛作漢書。案春秋感精符。緯書名。今據後漢書樊英傳注改。

墨莊漫錄 宋張邦基撰

卷一

退之詩。風能折芡觜。露亦染梨腮。刊本折芡訛折黃。據韓愈集改。
世傳宗室中條。見釘鉸者。刊本鉸訛校。據玉篇改。

卷二

仁宗嘗問孝肅包公條。唐初戶不滿三百。刊本三訛一。據唐書及文獻通考改。
唐暨條。惟餘憂我念。刊本餘訛余。據宋詩紀事改。

卷三

秦少游侍兒朝華條。資以金帛而嫁之。刊本資訛貧。據宋詩紀事改。
崔鷗條。起爲右正言。刊本右訛左。據宋史改。

卷五

胡世將成公爲中書舍人條。宣撫尙書注。取常輸字同音。刊本常輸訛尙書。據稗海改。
翟三丈公巽條。期子早登躡。同舍校魯魚。刊本闕同字。又魯訛曾。並據宋詩紀事補改。
唐人詩。刊本闕唐字。據稗海補。

世謂子瞻詩條。却隨倦鴉歸薄暮。刊本薄暮訛隣春。據王安石集改。
杜子美有憶鄭南玘詩。瀟洒到江心。刊本江訛天。據杜甫集改。

卷六

論書條。書至隸興。大篆古法大壞矣。刊本興訛與。據志林改。
字要骨格條。變態貴形不貴苦。刊本上貴字訛眞。據志林改。
宋景文公詩。魴甘抑鮓天。案魴甘芥隱筆記作鱸香。

揚州呂吉甫觀文宅條。龍象界中成寶蓋。刊本象訛篆。據全唐詩改。
又相公庭下蔚相差。案相公。宋詩
紀事作勢分。

卷八

熙寧五年條。叩以來事。刊本叩訛卽。據稗海改。
飲席刻木爲人條。傳籌向羽催。案向。宋詩紀事作白。

卷九

華亭縣有寒穴泉條。神泉冽冰霜。刊本泉訛震。據王安石集改。

卷十

曲轅先生條。明遠遠浮圖。刊本圖訛面。又陳氏後求鈇故衣。刊本鈇訛代。並據稗海改。
張侍禁筆甚佳條。由妙之極。遂至於神。刊本至于二字互倒。據稗海改。

寓簡 宋沈作喆撰

卷一

詩之作也條。託興于山川草木。原本託訛說。今改。

卷十

草本之最香者條。薰陸鬱金。原本金訛顏。今改。

予官維揚條。縱未朽腐。而花力盡矣。原本力盡二字互倒。今改。

雲麓漫鈔 宋趙彥衛撰

卷三

龜策傳有鄉呈兆條。首仰足盼。原本盼訛鈴。據史記改。

卷十

杜少陵故衛將軍挽詞條。神速至今稱。原本神訛人。據杜甫集改。

游宦紀聞 宋張世南撰

卷七

沉芷黎溪硯條。有絳帖平二十卷。恨未之見也。刊本平訛評。據書畫譜改。
己丑孟秋訪一親舊條。刀卻刃。授穎削。授拊。刊本脫刃。穎削。授四字。據禮記增。

老學庵筆記 宋陸游撰

卷一

予在南鄭見西陲俚俗。刊本陞訛郵。今改。

卷三

張達明條。人生當爲五馬貴。刊本脫當字。今增。

孔安國尙書序。言爲隸古定。刊本爲訛無。據書序改。

卷四

唐拾遺耿漳。刊本漳訛緯。據全唐詩改。

愧郟錄 宋岳珂撰

卷五

齊酒廢革條。著爲上實。以沈齊。刊本著訛蓋。據開元禮改。

卷六

卒簡穆諡條。太子太師諡文正。刊本正訛獻。據宋史改。

卷七

官品名意之訛條。魏延康元年二月。案魏志十一月始受禪。改元黃初。則二月猶宜稱漢。附識。
散階勳官條。凡十六等爲散號將軍。以加汎授。刊本汎授訛檢校。又軍爲散號官。刊本爲訛無。並據隋志改。又李晟以復興元勳。刊本興訛復。據唐書改。

卷十

同二品條。開府是從一品。僕射是從二品。刊本開下行封字。據宋史刪。

卷十二

文武服帶之制條。獨以一賜曹武惠彬。刊本惠訛穆。據宋史改。

鶴林玉露 宋羅大經撰

卷十二

胡澹庵條。蘇子卿嚙雪啖氈。蹈背出血。原本背血二字互倒。據漢書改。

卷十三

宋壽皇條。龍聽以角不以耳。刊本不以訛不可。據山海經改。

腳氣集 宋車若水撰

唐明皇條。不聞夏殷衰。中自誅褒妲。原本自訛有。據杜甫集改。

齊東野語 宋周密撰

卷三

誅韓本末條。平生只說樓攻媿。此媿終身不可攻。刊本媿並訛魏。據稗海改。

卷四

避諱條。以嘉禾爲嘉興。刊本嘉禾訛和興。據稗海及方輿紀要改。

卷七

朱氏陰德條。服子瓊卽著萍洲可談者。刊本可訛尙。今改。

卷十二

姜堯章條。以爲子文無所不工。刊本子訛於。據白石集改。

卷十五

玉照堂梅品花榮寵注。凡六條。刊本脫凡六條三字。據稗海補。

困學齋雜錄 元鮮于樞撰

閒閒宿三草寺詩云。何年覲佛月天子。各以寶華樓閣居。案元好問中州集載此題作三學院對月。與此異。又月字難解。考中州集及趙秉文滄水集並缺此字。今姑仍其舊。

張介字介夫。原本脫張字。據中州集增。

內翰鹿菴先生王磐。原本翰訛朝。今改。

右軍快雪時晴帖。原本帖訛圖。今改。

日聞錄 元李翀撰

南史有一隱士多遊王門。或譏之。答曰。諸君以爲朱門。貧道如遊蓬戶。案朱門蓬戶二句。乃世說載支道林語。此作南史誤。

劉孝威詩。金鋪玉鎖琉璃屏。花鈿寶鏡織成衣。案孝威此詩。玉臺新咏作青鋪綠瑣琉璃屏。瓊筵玉笥金縷衣。文苑英華二百五卷所載作青鋪瑣窓琉璃屏。瓊筵玉笥金縷衣。其二百三卷所載則與此同。蓋各據所見之本也。

張衡曰。日光不照謂之闇虛。闇虛逢日則日蝕。值星則星亡。案闇虛蝕月不蝕星。星亡之說。今法已駁正。其誤。此尙仍舊說。

因道家謂崑崙山高二千五百里。日月常相隱避。以爲光明。遂推廣而爲日月循環須彌山照臨四世界。案崑崙山日月所相隱避。爲光明語。本史記。此作道家言。誤。又血與肉。柔者也。尙變而爲金之剛。齒與骨。剛者也。何反不併變爲金。乃以常人之齒骨來中國。爲羚羊角。一扣而碎。其人無以對。案通鑑傳。奕以羚羊角所破者。爲金剛石。此未詳考。

湛淵靜語 元白斑撰

卷一

六經分章斷句之難條。詩簡兮篇。有力如虎。原本簡兮訛施丘。今改。
或謂皇甫湜條。亭曰回漣。原本回訛徊。據廣川書跋改。

卷二

使燕日錄條。復西入丹鳳門。原本西入訛四八。今改。

雪履齋筆記 元郭翼撰

宋制屠牛之禁甚嚴條。躬效屠坦之業。原本坦訛垣。據漢書改。
人臣事君條。僖公五年冬。書晉人執虞公。原本五訛六。冬訛春。據春秋改。

胡文穆雜著 明胡廣撰

周禮考疑條。漢諸儒博覽者。惟鄭康成。原本諸訛書。今改。

譚言長語 明曹安撰

先見亦人之所難條。泰始中。兵亂。宋主問蔡興宗。原本脫宗字。據宋書增。

震澤長語 明王鏊撰

卷上

史載舜南巡條。職方氏形方氏。遼師之屬。原本遼訛述。又它如莽草以薰蠹魚。原本莽草二字互倒。並據周禮改。

唐初職事官條。或以大將軍告身只易一醉。原本脫軍字。據通鑑增。

卷下

宣和書譜條。然則唐之所謂八分。非古所謂八分也。原本則下衍所字。今刪。

餘冬序錄 明何孟春撰

卷一

文王三分天下條。處岐事紂。冤悔推遜。案推。呂氏春秋作雅。

卷五

英宗初立條。土木之禍。振實爲之。原本木訛墓。據明史改。

卷十

漢博士徐偃修。偃巡封域之內。稱以出疆。何也。原本疆訛顯。今改。

卷二十

韓公琦條。孔子後若不生孟子。原本脫後字。今增。

卷二十六

司馬條。庶幾將來有是正者。注。當時穆公猶未生。原本穆公訛子思。今改。

卷二十七

吳越志載錢王鏐條。蔡邕有警枕銘。原本銘訛名。今改。

卷三十七

楚恭王出遊。亡烏嗥之弓。原本嗥訛皞。據家語改。

卷四十七

唐書言大臣初拜官條。太宗問朱子奢燒尾事。原本朱訛宋。據唐書改。

卷五十一

曾皙條。附顏氏家訓。注。吳郡陸襄。原本襄訛衷。據南史改。

卷五十五

朋友居五倫之一條。張遼與其護軍武周有隙。原本武訛伍。據魏志改。

戒庵漫筆 明李詡撰

卷一

梁四公條。梁天監中有蜀闖。醜杰。麤端。仇啓。四公謁武帝。刊本蜀訛蜀。醜訛醜。麤訛麤。端訛端。並據太平廣記改。

江陰鄉賢名宦條。宋知軍戴公注。肖望。刊本望訛堅。據宋史儒林傳改。諾臯記條。考乎十輝之祥。刊本輝訛輝。據周禮改。

清明上河圖條。卷首有祐陵瘦金五史籤。刊本金訛筋。據書史會要改。

卷二

繼統祭告宗藩條。三世叔祖遼恭王。刊本脫恭字。據明史諸王表增。

卷五

蔣陳二生條。然首倭而亂之者。徽人王直也。案王明史外國傳作汪。

卷七

筆墨條。鋒齊者類不能強。腰強者有不能齊。刊本闕類不能強四字。據孫大雅滄螺集補。

卷八

閣臣少斷條。擗闔操舍。此將道也。刊本擗訛押。據鬼谷子改。

畫禪室隨筆 明董其昌撰

卷一

楊景度書。既得平正。須追險絕。刊本平正二字互倒。據書譜改。
跋臨女史箴。據孫過庭書譜。刊本庭下衍讀字。據書譜刪。

卷二

濠梁秋思圖。城隅綠水。明秋日。海上青山。隔暮雲。刊本日訛月。據全唐詩改。

卷三

評詩。東坡云。詩人有寫物之工。刊本云詩二字互倒。今改。

卷四

雜言。吾兄和仲。塞剛立柔。刊本仲訛抑。又塞字訛在柔字下。並據穎濱集改。
楚中隨筆。廢遼王宮。以廣第宅。刊本脫宮字。今增。

六研齋筆記 明李日華撰

卷二

陳無已條。朱彧可談云。刊本彧訛或。據說郛改。

梅花在疎林秀石邊條。陶元亮遠社聞鐘。刊本社訛杜。據高僧傳改。

卷三

宋宣和三年條。方臘將七佛者引衆十萬攻秀州。刊本臘訛獵。州訛川。並據宋史改。

六研齋二筆

卷二

婺赤松溪條。黃初平叱羊處。刊本黃訛皇。據神仙傳改。

唐時節度使入境條。秋曰白藏。刊本白訛曰。據爾雅改。

漢武內傳條。左乙混沌東蒙之文。右庚素收攝殺之律。刊本沌訛洞。收訛招。又壬癸六遞。刊本遞訛遠。

又丙丁入水赤班符。刊本水訛泰。又六辛入金。刊本辛金二字互倒。並據漢武內傳改。

卷四

薩天錫嘗有詩送訢笑隱住龍翔寺云。刊本訢訛沂。翔訛鳳。並據元詩選改。

六研齋三筆

卷一

李龍眠山莊圖條。李思訓刊本思訛師。據圖繪寶鑑改。

卷四

自昔仕進之士條。所謂敲湖柳浪茱萸泚。刊本敲訛歌。泚訛派。並據王維集改。

春明夢餘錄 吏部左侍郎孫承澤撰

卷一

唐武德六年建營州於薊。刊本唐武德六年訛作東唐二字。據天府廣記改。


卷三十

都督都指揮等官條。左封印。右封印。皆見於張紉雲南機務抄黃。刊本統訛統。據明史藝文志改。

卷三十七

永樂元年三月條。衛河南距黃河陸路纔五十餘里。刊本距訛踞。今改。

卷四十



編修趙士春扶名教疏。南京御史成勇。刊本京訛道。據明史改。

卷五十四

初建國學條。其勳戚習讀。昉自洪武初。刊本自訛如今改。

卷六十六

都人米萬鍾。水齋禪師傳。然一指灸背八十一炷。如華嚴卷數。刊本脫嚴字。今增。

負暄野錄 不著撰人名氏

卷上

總論古今石刻。余於武陵郡開元寺。原本郡訛都。據一統志改。

古碑毀壞條。趙明誠謂所著金石錄。原本明誠訛德麟。今改。

小王書條。黃長睿書志。原本缺書字。據文獻通考補。

卷下

春膏紙詩。劉薛何時眼中見。原本劉訛流。據上文改。

論碑材條。四曰金星。原本脫星字。據本文增。

格古要論明曹昭撰

卷上

士夫畫條。舜舉答曰。隸家畫也。原本隸訛戾。據書畫舫改。

王維畫條。王維畫得興處。不問四時。原本脫不字。據書畫舫增。

李思訓畫條。嘗作金碧陣圖。原本碧訛璧。據書畫舫改。

馬遠畫條。或絕壁直下而不見其脚。原本脚訛御。據書畫舫改。

蘭亭帖條。其定武本。薛向師正。別刻石易去。大觀中。於薛向家取入禁中。原本向訛珣。又脫正字。又大觀
訛宣和。案宋史薛向字師正。子紹彭。中子嗣昌。又格致鏡原載何子楚蘭亭帖跋語云。薛師正收定武
本。求者沓至。乃刊別本于外。以惠求者。其子紹彭又模之他石。潛易原刻。大觀中。詔取此石於薛氏家。
其子嗣昌納進御府。據此則別刻定武本及納入禁中者。爲薛向父子無疑。今並改增。

卷中

石榴子條。出南蕃。類瑪瑙。原本脫類字。據格致鏡原增。

鋪絨線。原本線訛綠。據格致鏡原改。

意林唐馬總撰

卷一

晏子條。公曰。善。吾不食詔人之言也。原本吾訛無。據晏子改。
文子條。智者心之府。原本者訛則。據文子改。

卷四

風俗通條。越王時。民生二子。與之餼。原本餼訛餘。據風俗通及國語改。
抱朴子條。漢中起居注。案漢字下。抱朴子有禁字。又以蟻鼻之缺。捐無價之淳鉤。原本捐訛損。鉤訛鈞。
並據抱朴子增改。又湯師蜘蛛而結網。案湯抱朴子作太昊。

雲仙雜記唐馮贄撰

卷二

琴價與武庫爭先條。康曰。吾賣舊業以爲琴。刊本脫康字。據別本增。

卷五

作剪刀條。姑園鐵作剪刀。以苜蓿根粉養之。案鐵。張泌樞樓記作戲。

庭樓不染風條。初不解其言。刊本缺初字。據說鄂補。

卷九

嫠婦條。男女不六十不同居。刊本同訛閑。據家語改。



著者 (清)王太岳等撰

Author

書碼 082-47
7437
Call No. 22

書名 四庫全書考證：(二二)

Title

登錄號碼
Accession No. 007492

月日 Date	借閱者 Borrower's Name	月日 Date	借閱者 Borrower's Name

國立中央圖書館

082-47

007492

7437

書碼

登錄號碼

22

商

國立中央圖書館



0007492



.47

7

籍